








‘Khawtlang Nun Siamthat’ chungchang Talk Show buatsaih

Chanmari West, May 29: Ni 24.5.2011(Thawhle) chawhnu Dar 2:30 khan Central YMA huaihawtin I&PR Auditorium-ah YMA Kumpuan "Khawtlang nun siamthat" chungchangah Talk Show neih a ni.

He Talk Show hi Pi P.B. Lianthangpuii, IPRO in a Host a, Panel member ah Pu Lal Chungnunga, President, Central YMA, Pu Lalbiakthanga Khiangte, Aizawl SP, Pu H. Zosangliana, President, MJA, Dr. H.T.C. Lalrinchhana, Senior Civil Judge leh Dr. C. Lalhrekima, Psychiatrist, Aizawl Civil Hospital an ni. He Talk Show ah hian Ruihhlo do kawnga CYMA hmalak dan, Ruihhlo do a hlawhtlin

nan engtia kalpui tur nge, kan ngaihhlut zawng leh ngaihsan zawng tih danglam, Khawtlang nun siamthat dan leh hrai nen a kalkawp chungchang leh Khawtlang nun siamthat na a chungkaw pawimawhna te sawi a ni. He hun ah hian Central YMA hnuai a ruihhlo dotu, Central Anti Drugs Squad (CADS) in a din tirh atanga tun thlengin tanpuina sum ` 7,19,005/- a dawng tawh tih tarlan a ni. (Source CYMA Website)

Branch News

-  Ni 31.5.2011(Thawhle) zan khian rokhawlhna a awm loh chuan Branch Executive Committee koh tum a ni.
-  Kan thlanmua cheimawina atan Upa pawl ten Saron an phun chu a lawmawm hle a ni.
-  Ni 22.5.2011 a Pu Saithanchhunga'n min boral san chu, a kalsan a chhungte kan tawrhpu hle.
-  Branch YMA in Sairang Road a Chawlhni a motor sil thin te, sil tawh lo tura kan ngenna ngai pawimawh a, chawlhni a motor an sil tawh lo chu lawmthu sawi a ni.
-  Zawlbuk sak hna hun rei tak chawlh tawh chu sak chhonzawm leh tan a ni.

CWSC EXECUTIVE MEETING NEIHA NI

Chanmari West Sporting Club Executive Meeting Vawi-1na chu Ni 27.5.2011(Zirtawp) zan khan Pu Lalliansanga (Malala) te In K-Section ah Vice President Pu C.Lalthanzuala kaihhruaina in neih a ni. He meeting ah hian kum 2011-2012 chhunga Sport displine (Sub-Committee) hrang hrang enkawltu tur te ruat an ni. Sub-Committee peng hrang hrang a hruaitu tur an ruat te chu heng mite hi an ni :-

- Football Sub-Committee :-**
- Chairman : Pu Zonunsanga (Pate-a) - K-Section
 - Vice Chairman : Pu RK.Rozidinga - T -Section
 - Secretary : Pu Lalhmingliana (Puia) - T -Section
 - Treasurer : Pu R.Lalsangzuala - T -Section
- Volleyball Sub-Committee :-**
- Chairman : Pu C.Lalthanzuala - T -Section
 - Vice Chairman : Pu F.Lalhmingmawia - K-Section
 - Secretary : Tv. Isarela - K -Section
 - Treasurer : Pu Vanlalhluta - N -Section

Tin, heng bak Displine bakah hian **Athletics** ah Tv. Zohmingliana Tlau, V-Section, Pu F. Lalhmingmawia K Section leh Tv. Thangsuanmanga CH section chu Incharge atan ruat a ni a, **Babminton** bikah hian Pu C. Lalarliana Ch Section, Pu C. Zonunsanga T Section, Pu Lalbiakhlua T Section leh Pu R.K. Ramherliana V Section-te Incharge atan ruat an ni baw. **Contact Sport** -ah Pu H. Laltanpuia K Section, Pu Lalchhuanliana T Section, Tv. Zohmingsanga Ch Section leh Pu Henry Lalremruatpuia N Section te incharge an ni baw.

YMA Park hi a lo thianghlina a lo nawm zawk nan, nu leh pa te hian kan fate khawsak zia ah mawhpurhna lian tak kan nei a ni tih i hre thar leh theuh ang u. Nakin zel ah kan tu leh fa te tan chenpakawm a la ni dawn si a.

Kum 2011-2012 atan a Sporting Club member fee atan ` 5/- tih a ni a, member hi a duh apiang tan nih theih a ni. Section hrang hranga hruaitute member ni duh zawng tura tih an ni baw. Chanmari West Sporting Club Adviser atan Pu Vanlalhuma Chairman Local Council chu ruat a ni. Sport lama kan veng a lo changkan theih nan Chanmari West mipui te hian Chanmari west Sporting Club hruaitutte hi i tawiawm zel ang u.

LEHKHA KAWNG BO

R.Lalthazuala House No 17 Chanmari West i lehkha tur Tv. Vanlalhriata Vanapa Section Ph 9862374870/9774781385 hnenah lam theih a ni e.

 **TUN KAR CHANGVAWN**

Sakeibaknei vanglai te chu an tlachbamin an ril a tam thin a, Lalpa zangng tute erambchuan thil tha reng reng an tlachbam lovang.

Sam 34:10

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta

9862366308

Tv. Vanlalfawna

9856301975

Cir. Manager

Johny Lalthanpuia
9612359161

Jacob Lalrinsanga

9612319779

Production

Manager

R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Hnawksak lo nih hi khawtlang tana mi tha nihna a ni mai a, khawtlang nun siam thatna pawimawh tak a ni baw. Phal loh tih chak tlatna hi boral tura piang mihring nuna bet ve tlat a ni a, khawtlang zah lova che thinte hian khawtlang nun siam that awmzia an la man tak tak lo. A bul berah a tuartu chu anmahni a ni tih pawh an la hrethiam lo mai thei. YMA-in khawtlang nun siam that tuma hma a laknaah mimal leh chhungkua atanga bul kan tan a nih loh chuan hlawhtlinna tak tak a awm thei lo va, tute mimal nun mah dem theih ni lo mah se khawtlang tana hnawksak zawnga khawsak kher hi mimal zalenna ni lovin, khawtlang zalenna tihchhiatsakna a ni tih hrethiam turin tan kan lak thar deuh deuh pawh a pawimawh tlang hle.

Article : CHANMARI WEST HI TU VENG NGE ?

C.Lalramzauva (Tetea)

“Kha Hminga Mitthi lumenna ah I kal dawn a ni maw?” “Dawn lo ve, mitthi inah mikhual ka inchhiar tir zuah zuah peih lo,” ‘A ni maw!! Chu zingah Thlan I lai mai dawn tihna a ni ang maw?’ “Ni lo ve, mikhualin ka leilaihna hmun min kawhhmuh kual vel ka peih lo”. “A lo nih tak chu, chhunah tal chuan hnatlanga tel I tum ang ti raw?” “Tum nang, mikhualin hnathawh tur min tuk, thawktu nih ka peihlo,” “E heu!!, chu Chanmari West hi I veng a ni ve ta nange, tu veng nge?” He zawhna lo pianchhuah dan ka thil tawn hi, min timualphotu a ni dawn tih hrereng mah ila, chhanna ka thiam ang tawh a pek ve ka duh tlatna avangin, ziakfung nawrtawh a hnuhma hnutchhiah nei ve ik lo ka nih intheihngihl thak khawpin ka rilrua ka lo utawh tur vawn ve tlat thin thil tlemte ka han thai lan phah dawn ta anih hi!!.

Khawilai nge Chanmari West veng chu: Hmarkaiinu veng, Pu J-a veng, Pu Kumsingh-a huan, Pamchung veng, Kawipui, Tuikhur veng, Theihai huan, Thlanmual veng, Tlabirh etc. tia veng thler hrang hrang an sawi thinna hmun, veng thler nuam leh lian tak, Aizawl ah pawh hmarlam a mi a ni tih chu tun an hai ka rinloh avangin khawi laiah nge Chanmari West veng chu? tih hi chu kan sawi zui lo ang.

Hminga'n Mikhual a tih hi tute nge: Khua leh tuite (citizen) chu ram leilung fate an ni, chuti chu chanmari west a piang seiliente chauh hi em ni mikhual ni ta lo chu. Voters' ID, Ration Card te pawh nei thlap khua leh tui ni si lo kan va tam awm ve le!!.

Hmingan mikhual a tihte hi reilote chhung kan veng a rawn awm zawk te a sawina em mi ni dawn? Nge, kan veng a rawn awmna la reilo deuh a tihna. A sawi hmang atangin heng hi chu anih hmel chhiah si loh, nge mi inluahhawh a khawsate a sawina. Hriatthiam a har khawp mai.

Anih vengmi inti Hminga hi bihchiang ang aw: Hminga hi he veng chhunga pianga seilian dik tak a ni. Chanmari atanga kan indan tirh te khan a intithe em em thin a, Zima lamah pawh Chanmari West veng pel miah lovin pawl sawm (CI-X) thleng a kai ve nghe nghe a, he veng chhunga lo pem lut ruih ruih te pawh hi an lo pem kum, ni leh thla a lo chhinchhiah deuh vek hlawm maw le. Mikhual chu a ni mawhlo. Amaherawhchu, Hminga hian danglamna mak tak mai hi a nei tlat, YMA emaw VC (Local council te pawh an ti ta a ni awm e) emaw in khawtlang huap thil tih tur an buatsaihah te hian a kal ve ngai miah lo (thing a ti tlat!!), a lawina Kohhranah lah a kai tha peihlo pawl a ni a, mitthi in kal, thlanlah leh hnatlang tulna in a nun a khawih che pha ve lo. Khawtlanga inhmante chu nihna duh vang lekah a ngai hmiah mai a ni. Amah hi veng mi hlun leh neitu nia a inhriat ve tlat avangin a duh zawng tak ruihhlo te

hi a duh duhna hmunah a ti hmiah mai a, kawngpui sira thut a Trip (cannabis) han zuk hluah hluah te leh YMA Park kan neih hnu te phehi hi chuan Park a zu han in ngei te hi changkang a ti tlat, kawng kal auh nawmna leh veng dang mi lo leng han tihbuaite hi veng chhannaah a ngaia thawktu a inti thei hle mai a. Bawhlhlahw leh hnawmhawh khawlai dunga han paih darh vel te leh midang tana hnawh/tawp tura an tuichhia han luan tirtu hi veng mi dik tak tih turah a ngai hmiah mai a nuam a ti thei hle a ni.

Chanmari West veng neitu chu: Pathian thu chuan Khawvelah hian tumah hi kumhlum tur awm lo, Vanramah emaw Hremhmunah emaw haw leh tur niin min zirtir a, hei hi, kan pawm dan theuh pawh a ni awm e. Chuvangin, kan vai hian he khawvelah hian mikhual kan ni ti ila kan ti sual lo ang, Hminga ngaihdan nen hi chuan a inpersan hmel ta deuh. Chuvangin, Chanmari west veng mi dik tak ni a lang ta chu, veng tan a tha duhtu, veng chhunga an awm rei leh reilo lam pawh ni chuang lo a, an awm hun chhunga a awmna veng hmasawna tur ngaihtuaha, thenawm tha neih tum ringawt lo a, thenawm tha nih tumtu zawk hi an ni. Mite harsatna siamtu ni lo a, mi harsatnaa hnemtu leh puitu zawk hi an ni, awm rei tawh leh tawh loh hi veng neitu tehna tur dik niin a lang lo a, Hminga ang mai a inti Chanmari West ve ringawt he veng chhung thatna atana tha leh zung thawh ve miahlo veng chhunga harsatna thlen thintute hi chu veng tana hnawh leh veng than ti thuan awptu mai chauh an ni a. Chanmari West veng neitu a chhiar tlak pawh an ni lo hial awm e. Nang Chanmari West veng neitu I ni ve em?

N. B. He thuziak tlawm tak hi Article ziak tura min ngen der ve chiamtu Masangte tan ka hlan e, Johnny-a sam sei pawhin lo chhiar ve hram se, thawnthua hminga hi a u sanga a ni em tih lo ngaihtuah rawh se. Manchester United forever.

KHUANGCHERA

☞ Chanmari West Congress Unit -2 ten Iron rod, rora leh ring Rod tha hnem tak zunin siam nan an pe chu an lawm hle.

☞ Branch hnatlang leh thil dangah Section hruaitute leh member-te tan la leh zual turin an innngen

☞ Section huamchhungah ruih hlo zalen taka tih leh ruih ching kan la awm a, khawngaih a YMA in a zilh hauh hmaa sim hram turin an hriattir.

☞ Section Budget, YMA AW man leh Chhiatni fund-te member-te leh chhungtin te inpekna a zarah tlak fel a ni ta chu Section Committee chuan lawmthu a sawi.

☞ Khawlaiah ui tla hmuh tur a tam leh ta hle mai, ui neitu ten khuahkhirh turin an hriattir.

VANAPA

☞ Kumin 2011 chung a Project :

1. YMA Run Extend
2. AIR leh DDK a programme neih
3. YMA Run tui connection neih
4. Thutthleng 20 neihbelh
5. Tray thar 6 neih belh
6. Nawrlirh / thela (thutthleng etc.phurhna) 1 siam
7. Inverter 1 lei
8. Chaw ei thleng 300 lei
9. Mitthi signboard thar lei
10. YMA a Donation petute chhinchhiahna tur Frame siam. Heng zingah hian YMA Run Extend tawh a ni a, AIR ah programme neih a ni tawh bawka, tray 6 leh emergency light neih a ni tawh a, DDK-ah programme nei leh turin hmalak mek a ni. A bak zawng hi la tih hlawhtlin a la ni lo.

☞ Heng project bakah hian mi tlawmngai leh hnatlang tha tan chawimawina hrang hrang Vanapa Award siam a ni dawn bawka, he mi a atan hian mi tlawmngai leh inpe te tan thawh/donate theih reng a ni. Member te leh veng chung nu leh pa te khawtlang tan ke rawn pen tur in Vanapa Section chuan a sawm a ni.

☞ Zirtawpni zing kar khan rora thiar leh a ni a, member 30 chuang an thawkchhuak, hnatlang te hi Pu H. Lalrinthanga, Pu Lalromawia, Pi Lianzothangi leh Pi Rosiami ten hnatlang tanpuina an pe.

☞ Section zaipawl music video shooting neih tur zir turin Thawhleh zan hian zaipawl hla zir tawh zawng zawng te leader Pu V.L. Thakima inah kal vek turin an sawm.

☞ Chhiatni thatni a bungrua tuak

mek a ni a, Section Project siamin Project engemawzat tih hlawhtlin tawh a ni a, chhiatni thatni bungrua changtlung tak section-in a neih theih nan member ten tan la sauh sauh turin an in ngen a ni.

☞ Local Council-ah Pu K. Rochungnunga in bawr vela bawlhhlawh khawn motor luh tir tura ngen a ni.

☞ YMA Day hmian Section Committee koh tum a ni, hruaituten hun awl lo insiam ni se.

TAITESENA

☞ Kar kalta Ninga zana Section Committee neih tum chu remchan zawkna avangin tunkar lo awm tur Ni 2.6.2011 (Ninga) zan hian rokhawlhna dang a awm loh chuan neih tum a ni a, hruaitute hunawl lo insiam theuh turin an in hriattir.

☞ An hruaitu Pu Lalhmingliana (Puia) chu a pa damlo hruaiin phai lamah a thang mek a, dam tak a an lo haw leh thuai theih nan duhsakna an hlan.

☞ Vaivakawn kawngpui chhuk thla a motor dah thin te kawngpui motor kamna (Jam) kalsan lo a dah fel thin turin an ngen.

☞ Vaivakawn hnaih in 3/4 vel Pu Rampuia (L) ram bul kawngpui thlanga bawlhhlawh paih thin te kha lo paih tawh lo tura hriattir in ni e.

☞ Section huam chungah Ui leh Ar vai tum a ni.

☞ Faina hnatlang neih thuai tum a ni. Chung tin ten mahni in leh a vel lo ti fai turin an innngen.

CHAWNGBAWLA

☞ Tun zirtawp lo awm turah hian member mipa kum 35 hnuai lam tan in hmuhkhawmna hun siam tum a ni a, he hunah hian kal tura an ngen ho chu kal vek turin an inhriattir, khua a that chuan YMA Park-ah zan dar 7:30 -ah tan hman ttum a ni, In tinah sawmna lehkhah sem a ni ang.

☞ Pu Saithanchhunga chuan chatuan ram a pan san a, a kalsan tak a chhungte an tuarpui hle.

☞ Section Committee neih hnunngberah Section a rawn pem te pem lehkhah thlir ho a ni a, Branch Committee thehluh a ni.

NEUVA

☞ An Section Project a hlawhtlin theih nana hruaitu Talen Ip an siam chu a remchang tawhte chuan Section Secretary hnenah a

thehluh theih reng e.

☞ An Project tuak nan ninga zan khan Lucky Ticket zawrh hnatlang koh a ni a, thingpui leh a hmeh tui tak Pi Charliani (L.S.Bakery) ten an buatsaih sak a, an chungah an lawm hle.

☞ An hruaitu Tv. Robert Zoramthara thil pawimawh ti a Champhai-a zin pawh dam takin a lo haw leh ta a, Sec Fin. Secy Pu Vanlalhluta Champhaia a nupui fanaute nena zin pawh an lo haw thuai an duh.

☞ YMA Zawlbuk sak kal mekah Branch YMA-in hnatlang a kohvin hruaitu leh member a neitu chan changa a tam thei ang ber hnatlang thin turin an innngen.

☞ Inluah tur nei reng rengin luah tir hmian Pem Lehkha felfai tak a luah turten an neih leh neih loh chian thin turin an innngen.

☞ Tuikhur kawt leh Zunin kawta inbual, insu, motor sil leh pipe hmanga tui la thin an la awm fo mai chu ti tawh lo turin an innngen.

BPL Pawl Member-te tan

Chanmari West huam chungah BPL pawl Member-te tan ni 31.5.2011 (Thawhlehni) hian hnatlanga inhlawh tur a ni a, Family Card neite tan chauh a ni ang. Family Card la lam lo te tan BPL Secretary hnenah lam tur a ni e, Hnatlanga thawk tur ten Buara emaw em emaw ken tur a ni a, Zuang tui khurah zing dar 9:00 ah inngahkhawn tur a ni e.

PIGFED HRIATTIRNA

Ni 27.5.2011 khan Pu B. Savunga inah Assembly hman a ni a, kan member boral ta Pi Chhandami sunna hun hman a ni. Kum 2011-2013 chungah Society hruaitu thlanna neih a ni a, Heng mite hi hruaitu atana thlan thar te an ni.

Chairman - Pu Lianchhuna
Treasurer - Pu Lalrozama
Secretary - Pi F. Vanlalduati

Assembly nana in phal taka hman tirtu Pu B. Savunga te chhungkua, inthlanpuitute leh member kal zawng zawng chungah lawmthu an sawi.

Hruaitu thar thlanna hi R.O Pu Vanlalhuma Chairman Local Council hova neih a ni a, P.O Pu B. Savunga leh Pu F. Zosanga ten an telpui a ni.

Member kal zawng zawng tan vawk chaw a thlawn a sem a ni.

CYMA NEWS

🦅 Ni 24-26.5.2011 khan Nagaland Baptist Church Council ten Consultation on Election, Kohima a an buatsaih a, Central YMA atangin Pu J. Lalsailova, Finance Secretary a kal a, Pu Sailova hian YMA ten Inthlanpui lo awma ka hna thawh dan (Role of YMA in time of Election) tih paper a present.

🦅 Ni 27.5.2011 khan Sub-Hqrs. YMA, Kolasib Coordination Committee hmanpuiin Pu Lalbiakzuala, General Secretary Kolasib-ah a kal.

🦅 Ni 30.5.2011 zing dar 7:00 hian CADS ten ruihhlo an mankhawm chu Pu Lal Thanhawla, Chief Minister-in Central YMA Hall kawtah a halral ang.

Awmze neia inenkawl a hun

- Masangtea

Mihring kan pung a, eizawna harsa tial tialin professionalism kan hrethiam telh telh niin a hriat. Naupang chu a kalna awm kawngah kaihhruai an ngai tih a lang chiang tulh tulh bawk a, sikula lehkha an zirna ringawt hi ngaih tihthatna tur a ni ber tawh lo.

Mizoramah hian lehkha zima hi kan la ngai pawimawh em em a, hman ang erawh chuan eizawna kawngah awlsamna min hlui ta lo. Ram changkang tawhte nen chuan intehkhin theih lohna tam tak la awm mah se, tuna naupang kan inkaihruai dan hi chhut chian a, a tam zawk hian an puitlin hunah lehkha zir sang viau pawh ni se harsatna an tawh tho tho dawn.

Lehkha thiamna nei sang eizawna mumal nei lo tam tak kan awm tawh a, an awm mek zel. Sumdawna te, hlawhtlinpui theih thil siamna chi hrang hrang te, ran vulh leh chhang ur emaw, kut hnathawhna awmze nei lamah te, lehkha thiam sang si lova eizawna tha em em infiamna kawngah te khawthlir thui neih thiam a pawimawh hle a, chhungkaw zangkhai theihna tur a ni.

Lehkha pawh naupan laia atanga zir a ngai angin, kawng dangah pawh naupan lai atanga awmze neia zir loh chuan dinchhuahpui tham theihna neih a awlsam chuang lo. Lehkha thiam thei mang lo inzir luihtir aiin, a kalna awm kawng dangah nu leh paten naupang a nih laia kaihhruai a fuh hle tawh ang.

Taimakna a tel loh chuan eng kawngah pawh a hlawhtlin tak tak theih loh tih erawh tlang hriat a ni. Thiam zawngah hian taimak a awlsam bik a, eiru hreh lo erawh chuan an thawh phu lovin sum an nei tam mai thei a, ziktuang tha leh hmui ngil erawh an awm lo.

**DAN LEH HRAI
{KUTKAWL
(HANDCUFF) BUN
CHUNGCHANG}**

Kutkawl hman chungchangah hian dan mumal leh fel tak a awm a; mahse, a hman dan erawhchu a hmang tu a zirin engemaw chen a danglam thei awm e, chimi khami thubuaia man a nih chuan a kutkawl bun tir tur emaw bun tir loh tur emaw lam nilovin, Police mi man chu kutkawl bun tit lova a tlan bo a hlauhawm chuan kawl bun tir mai tur a ni; tlanbo hlauhawm lo ni a a man tuin a hriatphawt chuan kutkawl hi bun tir ngei ngei tur tih a ni chuang lo.

Assam Police manual Rule 214-ah he dan hi tarlan a ni. Dan naranin Bail theihloh chi, thubuai lian tham deuh vanga man pawh nise, amaha harsatna engemaw vanga a tlan bo thei dawn lo ngei nia rin chu, kutkawl buntir kher a ngai hranpa lova; amaherawhchu, kutkawl buntir lova tlanbo theilo tura dah dan thu hla-ah chuan a man tu ngaih dan dan a ni thei bawk, kutkawl bun tir ngailo nia hriat ni tho mahse, mi man te hruaina chu kawng hla tham a nih emaw, mi man te chu an thathnen viau bawk si chuan kutkawl hman mai tur a ni.

Mi man chu thil tih soal tam tak nei tawh emaw kutkawl buntir lova harsatna siam thei chi emaw a nih chuan kutkawl bun tir ngei chi a ni.

Thubuai tenau deuh, bail theih chi anga man chu, a khawsak danah kutkawl buntir ngei chi nia a lan chuan, Police Station thuneitu remtihain kutkawl buntir theih tho a ni. Chutianga kutkawl bun tir a nihna chhan erawhchu thubuai chungchang ziah luhna buah fel taka ziahlan tur a ni thung.

Indian Constitution Article 14 leh 19 a tarlan anga kal tur chuan, kutkawl inbuntir hi loh theih loh tawp ah chauh tih tur a ni. Cr.P.C Section 49-a sawi angin mi man te reng reng a tul bak chu engmah harsatna siam sak loh tur a ni. Thubuai siamsak vanga man tawh, Police kuta awm emaw lungin chhunga awm pawh ni sela, zalenna neilo tihna a ni chuang lo. Chutiang dinhmuna ding chung a zalenna neih theih chi a awm tho a ni. Punjab Police Manual-ah chuan Bail theih loh chi thubuai kum 3 lungin tan tira hrem chi reng reng chu kutkawl buntir tur tih a ni a; mahse hei hi Supreme Court thuremna

NULA CHHUANAWM

Nl. Ramdinmawii D/o Lalchhuanmawia Chawngbawla Section, Pu K. Sangkhuma tunu chuan Shillong Law College atangin LL.B 2nd Division-ah a passed a, hetiang mi kan veng nula kan nei hi kan chhuang hle. Kan hriatsual loh chuan Nula Ramdinmawii hi kan veng nula zinga LL.B passed hmasa ber a ni. A kal zel na turah duhsakna kan hlan e.

ZCC NEWS

1. Ni 28.5.2011 (Inrinni) khan Reiek-ah Mizo Kutpui hmanna-ah Rallu lam leh Cheaw entir a ni a, Bus 2 leh Motor te 2 in an kal.

2. Lam zir nana phal taka Indoor Stadium hman tirtu Indoor Stadium Management Board chungah lawmthu an sawi.

3. Lam zir nana tape phal taka hmantirtu Pu K. Darthantluanga te chhungkaw chungah pawh lawmthu an sawi.

4. Rallu lam entirna a Pasaltha leh Upa atana tlawmngaih chhuah tura sawm ten an rawn ti hlawhtlinsak theih avangin an chungah pawh lawmthu an sawi.

INHLAWHNA THA

Hna hahthlak lo tak thawk tur, mifel, ruih theih thil ti lo kan duh e, hlawh thla khat-ah ` 2500/- + Bonus

Contact- 9862873417

chuan “ Indian Constitution Articles 14,19 leh 21 bawhchhiatna a ni”, tiin a hnawlsak a ni.

Mi vengva chin, khawtlang ngaih pawh a mirinawm, an khawsak dan leh dinhmun en pawh a tlanbo tura ngaih chin kutkawl bun tir hi tul hlek lova intih hmingchhiatna chi khat a tling thei a. Entirnan- Ex Minister, MP, MLA etc. ange hi politics thilah Police kut thlen ngaiin Court-a hruai hial lo tul ta se, kutkawl buntirin mualpho takin Police-in khawlaiah kai kawi vel ta sela, a ni chuan, “ Ka zahawmna min tih bo sak a ni”, tiin Court-ah kxing let ta sela, Kutkawl buntirtu tan chuan a buaithlak thui thei viau ang.

Police-in an mi man te reng reng kutkawl buntirtu tih hi eng danah mah a in ziak lo.